



15 September 2025

Tygieland-nuus

Webtuiste: www.tygies.co.za | Facebook: facebook.com/Tygies | E-pos: admin@tygies.co.za

PROGRAM VIR DIE WEEK

Maandag – 15 September	ASSESSERING Playball A+ students Pottebakkerie Young Engineers Super Somme Gimnastiek Krieket-akademie Netball Ninjas Academy Minikrieket (graad R): 17:00-18:00 (A-rugbyveld)
Dinsdag – 16 September	ASSESSERING EQ4KIDS (Emosionele intelligensie) Professionele tennisafrigting A+ students Krieket-akademie
Woensdag – 17 September	ASSESSERING Experi buddies A+ students Super somme Krieket-akademie Netball Ninjas Academy Minikrieket (graad R): 17:00-18:00 (A-rugbyveld)
Donderdag – 18 September	ASSESSERING RSD (rugbyvaardighede) Hippity Hop Ballet A+ students Professionele tennisafrigting
Vrydag – 19 September	ASSESSERING 🤖 Graad 7-markdag 🤖 (ondersteun die laerskool, bring 'n geldjie saam) Voortrekkers
Saterdag – 20 September	Juf. Bianca Muller verjaar (assistent gr. RR/L, Pandaklas) Minikrieket: Little Titans (tuis)



BEGROTINGSVERGADERING MET OUERS

DONDERDAG 16 OKTOBER OM 18:00

Voorgestelde skoolgeld en -begroting vir 2026 (beskikbaar op die webtuiste vanaf 25 September)

BOODSKAP VAN DIE BEHEERLIGGAAM-VOORSITTER

Ek kan dit self amper nie glo nie – volgende jaar is ek al tien jaar betrokke by Laerskool Tygerpoort. My reis het begin as 'n voorskoolse bulletjierugby-ouer, toe afrigter van 'n span propvol talentvolle klein seuntjies. My seuntjie was in my oë 'n regte resiesperd – soos wat elke sportouer glo van sy of haar kind in daardie eerste jare van sportdeelname.

Mettertyd het ek betrokke geraak by die skool se beheerliggaam – eers by fasiliteite, later by sport, en vandag dien ek as voorsitter. Ek deel hierdie pad nie om my eie storie te vertel nie, maar omdat ek hoop dat dit vir een ouer of een onderwyser iets kan beteken, dat jy jou eie reis deur die bril van ons skool kan sien en daaruit kan leer.

My grootste les het begin by my eie seun. Omdat ek self “groot rugby” gespeel het (soos ons dit gesien het in Delmas se 1ste span), het ek geglo ek weet waar hy moet speel en hoe hy bestuur moet word. Ek het nie altyd geglo dat die onderwysers en afrigters regtig elke dag opstaan met net die beste belang vir ons kinders in gedagte nie. Ek het gedink hulle weet nie wat my kind kan doen nie. Sonder dat ek dit besef het, het ek dit vir my seun moeiliker gemaak. Ek het sy liefde vir die spel uit sy hart begin wegneem. Hy het begin glo en praat soos ek en het naderhand respek vir sy afrigters verloor.

Eers toe ek gaan sit en regtig met oop oë begin kyk het na waarmee ek besig was, het dinge verander. Ek het besef ek is besig om my kind negatief te beïnvloed. Hy het dikwels in die B-span begin, omdat hy atletiek ook gedoen het en nie altyd die proewe kon bywoon nie. Eers toe ek besluit het om hom te ondersteun, om hom te leer aanvaar en saam oplossings te soek, eerder as skuld te gee, het hy begin groei. Hy het harder gewerk, respek getoon, en karakter begin bou. Voor ek my oë kon uitvee, was hy as twaalfjarige seun volwasse genoeg om besluite te neem wat hom eendag in die besigheidswêreld sal help – 'n wêreld waar ek nie sy baas kan bel en sy posisie namens hom opeis nie.

Ek het geleer dat ons as ouers soms baie skade kan aanrig sonder dat ons dit agterkom. Vandag se ouers is baie meer betrokke as wat ons eie ouers was. Ons sit langs die veld by proewe, ons skree saam, ons leef elke oomblik saam. Dis wonderlik, en ek geniet dit self, maar dit bring ook verantwoordelikheid: Ons kinders kyk hoe ons optree.

Ek gaan nie vir julle die geheim gee van hoe om die perfekte ouer langs die veld te wees nie, want daar is nie een nie. Wat daar wel is, is respek. Respek begin nie by jou kind, jou afrigter, jou onderwyser of jou hoof nie – dit begin by jouself. As jy eerste respek toon, beïnvloed jy almal rondom jou. Jou kind gaan dit sien en dieselfde doen – teenoor sy maats, afrigters en onderwysers.

Vandag wil ons almal eerste wees, die beste wees en die grootste hê, maar die lewe werk nie altyd so nie. Ons kinders gaan soms tweede kom, of soms nie die plek kry wat hulle wil hê nie. Daar is niks fout daarmee nie. Ons rol is om hulle te leer dat hul houding die verskil maak, dat elke keuse 'n reaksie het en dat dit ware volwassenheid verg om verantwoordelikheid vir keuses te aanvaar.

Ek sê elke dag vir my dogter: “Neem goeie besluite.” Ek leer haar dat sy soms stout gaan wees, maar dat sy moet weet dat sy verantwoordelikheid daarvoor moet aanvaar. Só leer ek haar dat ek nie altyd daar gaan wees om haar besluite te neem nie – en dat dit goed is.

Aan ons onderwysers wil ek vandag baie duidelik sê: dankie. Dankie dat julle elke dag opstaan, ten spyte van druk van die Departement van Onderwys én van ons as ouers. Dankie dat julle steeds glo in die waarde van elke kind. Julle maak 'n verskil, selfs wanneer ons dit nie altyd raaksien nie. Ek haal my hoed vir julle af.

Aan ons ouers sê ek: Staan 'n oomblik stil voor jy die volgende keer jou frustrasie op 'n afrigter of onderwyser wil uithaal. Staan vir 'n oomblik in hulle skoene. Dink aan die druk waaronder hulle leef, maar ook aan die passie waarmee hulle hul taak verrig.

Ons kinders is net kinders. Hulle gaan ons toets, grense druk en soms stout wees – en dit is gesond. Ons rol is om hulle te help verantwoordelikheid aanvaar, nie om elke fout namens hulle te regverdig nie. Só bou ons karakter. Só bou ons respek. Só bou ons 'n gemeenskap.

Vriendelike groete

Mnr. Chris Schutte
(BL-voorsitter)

NASKOOL: VAKANSIEPROGRAM

Vakansieprogram: 6 – 10 Oktober 2025 (Naweke en openbare vakansiedae is nie ingesluit nie.)

- Die koste:
 - Gratis vir leerders wat voltyds by die naskool ingeskryf is.
(Ouers moet steeds vir dié leerders 'n inskrywingsvorm vir die vakansieprogram voltooi.)
LET WEL: Leerders wie se **naskoolgelde agterstallig** is, sal nie die vakansieprogram kan bywoon nie.
 - **R150 per leerder per dag** vir leerders wat nie by die naskool ingeskryf is nie, asook ingeskrewe dag-besoekers.
- **Sluitingsdatum** vir inskrywings en betalings is **Dinsdag, 30 September**. **Geen laat inskrywings** sal aanvaar word nie. Leerders sal nie toegelaat word om die vakansieprogram by te woon as hul nie teen **Dinsdag 30 September** ingeskryf is nie.

Volg die **skakel** om die Google-vorm te voltooi en in te skryf: [Inskrywingsvorm](#)

POM-POM OUDISIES VIR 2026

Ons is baie opgewonde om die nuus met julle te deel! Dit is weer tyd vir Pom-pom oudisies.

- Hierdie aktiwiteit is gemik op dogters in die **Grondslagfase (2026: graad 1-3)**.
- Daar kan slegs 'n paar dogters gekies word om aan hierdie aktiwiteit deel te neem.
- Geen ouers word toegelaat nie.
- Die dogters word 'n kort dansie geleer wat ons sal inoefen en waarvolgens ons keuring sal doen.
- Die dogters word volgens streng kriteria beoordeel wat bestaan uit: Spontaniteit, ritme, danstegniek, soepelheid, memorisering van bewegings, eie dans/bewegings en spanwerk.
- Indien u nie binne 'n week op 'n WhatsApp-groepie geplaas word nie, het u kind ongelukkig nie die span gehaal nie.
- Oudisies vind plaas op:
 - Dinsdag, 14 Oktober: Graad R-dogters van 2025
- Oudisies sal vanaf 13:20 tot 14:20 in juf. Nidia Coetzee se klas (K11) plaasvind.

Vir enige navrae, kontak asseblief vir me. M. Els (mels@tygies.co.za)

DIPLOMAFOTO'S (GRAAD R): 29 SEPTEMBER

- Hierdie foto's sal **Maandag 29 September** geneem word.
- Al die graad R-leerders moet die spesifieke dag asseblief by die skool wees. Leerders wat die dag nie by die skool is nie, sal nie 'n diploma kry nie.
- Die fotopakket kos **R85** en die **enigste betaalmetode** is **d.m.v. EFT direk aan die fotograaf**:
 - Rekeninghouer: H.R. Photo lab
 - Bank: FNB
 - Rekeningnommer: 63137525573
 - **Verwysing:** Leerdernaam + van + klas (bv. Cara Nel R/P)
- Skryf op die **koevert** u **kind se naam, klas en hoeveel pakkette** u bestel het. Heg ook die **bewys van betaling** aan.
- Die kleuters moet asseblief hulle rooi Tygieland-hempies dra en hulle hare moet netjies wees.
- Die dogters se vlegsels of poniesterte moet asseblief laag gemaak word, sodat die "tosselhoedjie" mooi op hulle koppe kan pas.
- Die **Diplomaplegtigheid** vind op **Woensdag 29 Oktober** plaas. Meer inligting volg later.





Sultans of Swing

*Gholfdag t.b.v. Liefdadigheid
(Tygerpoort Onderwys Trust)*

**Silver Lakes Gholflandgoed
Donderdag, 23 Oktober 2025**

- PRYS:** R8 000 per vierbal
- FORMAAT:** "Betterball Stableford"
("Shotgun start" – 11h00)
- INGESLUIT:** "Green fees", "Goodie bag",
Karretjies, "Halfway House",
Prysuitdeling-funksie en aandete
- BESPREKINGS :** Christoff Ferreira: 082 925 4136
christoff@hrconnect.co.za
- BORGE:** Borg 'n putjie teen R3 500
Enige ander finansiële borge en
veiling-items is welkom

Sultans of Swing NPC,
FNB Lynnwood, 252045,
Business Cheque,
62701740533



ROSELLA
Style Inspired by Elegance



Sultans of Swing NPC
Reg No 2017/195179/08